

კვლევითი
ინსტიტუტი
Gnomon Wise




კავკასიის ეკონომიკის ყოველთვიური
მიმოხილვა
აპრილი 2025





ეკონომიკური ზრდა



2023 წელს კავკასიის ეკონომიკის ზრდა 4.4% იყო. 2023 წელს ზრდის ტემპის შენელება, რუსეთიდან ადამიანური და ფინანსური კაპიტალის ნაკადების შემცირებასა და ნავთობის შედარებით დაბალ ფასებს უკავშირდებოდა. 2024 წელს ზრდა 6.6%-მდე აჩქარდა, რაც დიდწილად მონეტარული შემსუბუქების შედეგია. 2025 წლიდან ზრდის ტემპი ისევ შენელდა. იანვარ-თებერვალში კავკასიის ეკონომიკა 4%-ით გაიზარდა.


✚ 2024 წელს საქართველოს ეკონომიკა 9.5%-ით გაიზარდა. მიმდინარე წლის იანვარ-თებერვალში ეკონომიკა 9.4%-ით გაფართოვდა. ზრდაში მნიშვნელოვანი წვლილი პროფესიული და ტექნიკური საქმიანობების, ტრანსპორტის, ენერჯეტიკის, ტელეკომუნიკაციების და სამთომშობვებითი მრეწველობის სექტორებმა შეიტანა. კლება დაფიქსირდა დამამუშავებელ მრეწველობასა და მშენებლობის დარგებში.

🇧🇪 2024 წელს სომხეთის ეკონომიკა 8%-ით გაიზარდა. მიმდინარე წლის იანვარ-თებერვალში ეკონომიკა 4.1%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 7.8%-ით მოიმატა, სამშენებლო დარგმა კი - 12.2% -ით.

🇦🇲 2024 წელს აზერბაიჯანის ეკონომიკა 4.1%-ით გაფართოვდა. მიმდინარე წლის იანვარ-თებერვალში ეკონომიკა 0.2%-ით გაიზარდა. აზერბაიჯანის ეკონომიკის 33.6%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 1.7% შეადგინა. სოფლის მეურნეობა კი 2.1%-ით გაფართოვდა.



ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2024 წელს საქართველოში ინფლაციის ტემპი, წინა წელთან შედარებით, შემცირდა. 2025 წლის მარტში სამომხმარებლო ფასების წლიურმა ზრდამ 3.5% შეადგინა. მარტის ინფლაციაში მაღალი წვლილი ჯანმრთელობის დაცვის სექტორის ფასებმა შეიტანა, რომელიც 8.8% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 12.4%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇦🇲 წარსულში, რეგიონში ფასების დინამიკით სომხეთი გამოირჩეოდა. 2025 წლის მარტში სამომხმარებლო ფასების წლიური ზრდა 3.3% იყო. ყველაზე მაღალი, 7.8%-იანი ზრდა განათლების სექტორში დაფიქსირდა, ხოლო 3%-იანი კლება - ტანსაცმლის ფასებზე. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 6.75%-ზე შენარჩუნდა.

🇦🇷 აზერბაიჯანში ინფლაცია შენედა. 2025 წლის მარტში სამომხმარებლო ფასების წლიურმა ზრდამ 5.5% შეადგინა. თებერვალში ეს ნიშნული 4.5% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. მარტში მიღებული გადაწყვეტილებით, პოლიტიკის განაკვეთი 7.25%-ზე შენარჩუნდა.